



# NAAN IN REJAÑ KO ÑAN KŌMŪMANI IKIJEN COVID-19

## DEPARTMENT EO AN ĀJMOUR ILO HAWAII

### TA KWŌN KŌMŪMANE EĻAÑÑE E POSITIVE TEEJ IN COVID-19 EO AM

Ñan bōbrae an ajeeded nañinmej ñan ro jet, kwōj aikuj loor kōmmejeje kein ijin ilal.

- Pād mweo imōm ijellokin ñe kwōj etal in taktō**
  - Pād wōt im jab makūtkūt jen mweo imōm ñan ñe:
    - Emootļok iiet tata 10 raan jen raan eo jinoitata an waļok nañinmej ko am (ak ñe ejeļok am nañinmej, 10 raan iiet tata jen raan eo kwaar etal im teej ilo lab); **IM**
    - Emootļok iiet tata 24 awa jen iien eo āliktata kwaar bipa im kwaar jab idaaq uno ko rej jolok bipa; **IM**
    - Emmanļok nañinmej ko am (waanjoñak, pokpok, ikkijeļok).
- Bōbrae jen kōjberbal jabdewōt kain iial in itoitak ak wa ko aolep armej rej kōjberbali ñan itoitak ak uwe ie, uwe ippān ro jet ilo juōn wa, ak ilo taxi ko.**
- Kōjenoļok eok jen armej ro jet ilo mweo imōm**
  - Pād wōt ijo kar kōjenoļoke bwe an “rinañinmej ruum” ñe emaroñ
  - Kōjberbal juōn am make imōn kōppojak
  - Eļaññe kwaikuj kobaļok ippān armej ro jet ilowaan ak nabōjin mweo imōm, kōnak juōn kein pinej mejam ak māj
  - Bōbrae jen am leļok men ko mweiōm ñan ro jet ilo mweo imōm bwe ren kōjberbali ak bōk men ko mweieer im kōjberbali (waanjoñak, kōnno ko, toļ ko, kein kiki im kilin kein kiki ko)
  - Karreoiki ioon aolep men ko ekkā jibwi (waanjoñak, counter ko, kein kōpeļok kōjem ko). Kōjberbal būttik in karreo ko ak kein karreo ak wipe ko ekkar ñan kōmmejeje ko aer
- Bōbrae jen am kepaak menin mour ko nejūmi, ekoba jibwi im eoeoki, babu turin, kōtļok bwe en ummaik eok ak damij eok, kiki ijo kwōj bar kiki ie, im mōñā ippān.**
  - Eļaññe emaroñ, aikuj kālōt juōn iaan rimweo bwe en e eo ej lale menin mour ko nejūm/rimweo/menin mour ko rej jibañ armej im aikuj loor wāween ko kōn kilen kwaļ peid mokta im ālikin an pād im makūtkūt ippān menin mour eo nejūm rimweo
- Kōmūmane juōn laajrak in aolep ro kwaar pād epaake er ak ippāer ilo iien eo kwaar nañinmej (ekoba ruo raan moktaļok jen am kar nañinmej ak ñe ejeļok nañinmej en kwōj eñjake, ruo raan moktaļok jen am kar teej ilo lab)**
  - Department eo an Ājmour enaaq call e eok im kajjitōk mejeje kein.
  - Pād epaake ak pād ippān ej mejeje in jabdewōt iaan men kein ijin ilal:
    - Jokwe ilo eja mweo wōt ippān armej eo enañinmej in COVID-19
    - Pād tarrin 6 ne turin armej eo ebōk nañinmej in COVID-19 ilowaan juōn tōre eo im 24-awa aetokan iumwin 15 minit ak lōñļok
    - Kauki ak lale juōn armej ebōk nañinmej in COVID-19
    - Pād ijo ejejjōteļok im epaake men ko rej diwōjtak ak kātak jen ilowaan armej eo enañinmej in COVID-19 (waanjoñak, eaar pokpok waj ñan kwe, mejenma, men ko jet)
- Kakije im idaaq dān bwe en jab mōrā ānbwinnūm**
- Kanoj jāak im lale ej et am nañinmej.** Eļaññe enanaļok wōt am nañinmej, mōkaj im call e taktō ak jikin taktō eo am
- Mōkaj im uaak ñe ewōr rijerbal jen HDOH ej call in lale im jāak e waj eok ilo iien in kwōj pād im makeļok iaam jen ro jet**
- Ñe ewōr nañinmej ko reidiñ, call 911 im kōnnaanōk rijerbal eo ej uaak talboon bwe kwōnañinmej in COVID-19. Kōkalle ko rej kakōl ñe ewōr nañinmej in COVID-19 emaroñ kitbuuj:**
  - Abañ im ben am emmenono
  - Eñak jako an metak ak kankan ubōm
  - Ekāāl am wiwijet im pok im jaje ia im ta ko rej waļok

- Jaje ruj ak emmej
- Ebūju tiōm ak turin mejān

**Pinej aṃ pokpok im ṃaje**

**En ikkutkut aṃ kwaṃ peiūm** kōn joob im dān iuṃwin en jab dikḷok jen 20 second ak karreoik peiūm kōn hand sanitizer me ewōr en jab dikḷok jen 60% arkool ie.